



泰山志卷之四

明監察御史竇吳伯朋裁定

山東按察司僉事梁曹金校訂

順天府儒學訓導欽汪子卿編

岳治

岳治何州治之在岳也夫經以四岳名官吏以泰山名郡志岳而必以治言亦經史之遺意耳是故書因車以見古今官僚以重保釐學校以崇教化城池以戒不虞公署以重臺省而又星野以觀天文封疆以察地利賦

貢以共經費凡以達政而求治之道也守岳者覽之則
二典所咨十二牧允元之意庶乎其有得矣

州在**周**春秋時為魯地後屬齊為博也**秦**為奉高博二

縣屬齊郡**漢**為奉高博二縣屬泰山郡**東漢**晉因之南

北朝劉宋因之**元魏**改博為博平與奉高仍屬泰山郡

隋開皇六年改奉高曰岱山十六年改博平曰汶陽尋

改曰博城大業仍以岱山屬魯郡**唐**武德五年於縣置

東泰州貞觀元年州廢省梁父嬴肥城岱山四縣入博

城乾封元年更名乾封**幽**置元年又曰博城神龍元年

復曰乾封屬兗州魯郡**宋**開寶五年移乾封於岱岳鎮

即今治城南大中祥符元年改曰奉符屬襲慶州此上以

又通志考政和八年改兗州為襲慶府岳麓并元觀石

刻政和八年六月尚書省勅牒內書兗州泰寧軍奉符

縣而不書襲慶宣和己亥石刻書襲慶

軍府與二志不合州即姑博疑候考

大定二十三年陞為州領奉符萊蕪新泰三縣**元**屬東

平路正元五年析隸省部領縣四視金增長清

皇明洪武元年省奉符入州割長清與州並隸濟南府

九十有七東隅保西隅保北隅保南隅保西南保平壤
保封樂保已上附郭南村保萬塔保沈村保放城保中
村保良甫保房村保柳里保薛庄保已上在州東南先
賢鄉汶河保東蘇保南送保學仕保務店保西進保西

牛保武庄保後村保已上在州西南汶河鄉梁庄保白
 塔保石來保南望保羊舍保西望保古城保山羊保力
 里保已上在州東南紫源鄉大吳保舊縣保山口保北
 九保東平保南留保西諸保北單保顏張保已上在州
 南云亭鄉清泉保延東保下村保趙庄保謝村保南村
 保新興保牛山保栗林保已上在州東石泉鄉淳于保
 官庄保華上保頭謝保香城保張候保東向保西子保
 上望保已上在州西南安牛鄉東史保下張保柳林保
 崔村保西徐保磚舍保火河保三史保過村保已上在
 州西南運河鄉田村保黃前保故縣保百送保苗庄保
 崇城保祝陽保宮里保西界保已上在州東南堯山鄉
 杜村保濟河保河灣保新村保南仇保雙村保汶西保
 魚池保孝門保已上在州西南聖城鄉箭封保角峪保
 山陰保張留保新店保石碑保曲溝保西張保田庄保
 已上在州領縣二新泰編里二萊蕪編里四
 東石碑鄉十有二州官五負知州一方古之侯牧同知一其職兵籍判官

二四賦馬政各有司存吏目一

儒學在州治東其制前廟中正殿東西兩廡前泮宮門
及泮池西北啓聖祠西南宰

牲所外後學中明倫堂東西齋房號舍後啟一亭正北
櫺星門學正衙及訓導衙一東西訓導衙各一

創自宋開寶間金大定間知州徐偉重建 國朝洪武

元年同知陳文祐重修正統六年知州施守仁修建門

堂齋廡天順六年知州李琪重修增朔書樓三楹今及

書舍三十楹未備者知州張玘繼成之成化十五年學

正任式移學路於廟東成化十八年知州賈宣增修又

於廟學之南立射圃亭三楹成化二十二年知州胡瑄

又市民地充拓學基遷殿廡堂齋於中稍北而深廣之
又立科貢題名二碑于堂之左右嘉靖十年知州李啟
重修嘉靖三十一年參議張旦委本州同知馬斯蘭重
修其學官共四員學正一訓導于三道德經術端模範
厥責均焉

風

人情樸厚俗有儒學

馬端臨
輿地考

去深泗百餘里人好儒術

李謙文
廟記

風俗淳朴而尚儉素

張從仁
文廟記

國朝風化大行

習俗丕變士尚詩書民執常業視昔益加美焉

李錦撰
州志

州舊為土城築於金大定二年又多崩圯如丘阜可徑

池堙可塗嘉靖癸未嘉省監正德辛未之患議設險守

國乃檄濟南通判王雲與版鋪為石城七里六十步濶

高而池深雄據岳麓襟帶泮濼門四南曰乾封北曰登

封東曰靜封西曰望封

郡人馬經撰
城記

近連年霖雨

城多崩壞嘉靖三十二年沂州兵備任希祖檄知州鄭

聚東重修之頗為完固

州堂具宮室志州南百武許為府館又百武為撫按行

臺臺之左越會真宮為按察司布政司稍南為分巡道

後又一分司右惟太僕寺一署州東北儒學後為馬殿

州西二百武為惠民藥局局之南為醫學學之西曰城隍廟右為陰陽學堂對門外四百武許為巡檢司今移置天 休又西百武為演武廳廳前有金虜穹碑僧正司在冥福寺道正司在岱廟預備倉在州治後漏澤園在城西二里蓋倉儲以備凶荒以雲餽餉有司切務也而漏澤則周官掩骼之意王政不遺故得以附書之

星晉天文志載魏太史令陳卓云泰山入角六度唐天文志云降婁玄枵其神主於岱山宗歲星位焉宋中興天文志載王爽云泰山入角十一一度馬端臨象緯考州郡躔

次及考范蠡張良譙周京房張衡諸葛孔明諸家星書並同 按山東通志引晉書言循岱岳衆山之陰主虛危循岱岳衆山之陽主婁胃引唐書言濟陰齊魯主心房氏蓋我

朝清類分野據二書之說以定星野之次而通志因之夫以心房氏言岱猶為近之乃若虛危北宿也婁胃西宿也而可以東方言耶聞之易曰在天成象在地成形漢書曰陰陽之精其本在地而上發於天要必有一定之理而可以二三其說耶又按古天文圖書降婁魯分也

玄枵則吳越揚州之次也歲星十二歲周天非有定位而唐志云云圖復云云要亦所謂其神主依而非躔次之謂邪夫王者齊政本於璿璣不可不知而亦不易知也故今志以王奕馬端臨爲正而餘則傳疑以候夫明於占步者究焉

疆 州境北越泰山之陰六十里曰仙臺嶺爲歷城縣界南六十里抵汶河爲寧陽泗水二縣界東越萊蕪百四十餘里爲蒙陰縣界由萊蕪東北七十里抵杓山爲淄川縣界西北七十里抵長城嶺爲章丘縣界州西六十里

抵魚池爲肥城縣界東南越新泰二百餘里爲泗水費蒙陰三縣界西南百三十里一抵張城爲東平州界西北四十里抵界首爲長清縣界西南九十里抵罡城壩爲寧陽縣界古之博平高平鉅平南城梁父蛇牟汶陽羸柴今皆爲治內地也

賦 洪武二十四年賦地五千五百八十頃五十六畝四分

三釐 夏稅小麥八千九百七十六石二斗三升四合五勺絲綿三百一十二斤三兩五分七釐五毫秋糧

粟米二萬九百四十四石 成化十八年賦地五千九百六十五頃八

十一畝二分肆釐 夏稅小麥九千六百七石四斗四升四合七勺七抄絲綿三百三十五斤

九兩二錢三分一釐一毫
二千四百一十七石三斗七升一合一勺
歲額商稅及

課程鈔共二千二百七十四錠四貫一百八十八文
歲額

貢活鹿二隻雜皮三百四十張
鹿皮六十五張
羊皮二百五張

綿羊皮一十張狐皮一十張
孳牧馬匹十八群共馬八百八十匹

兒馬一百七十六匹
騾馬七百四匹

治績

治績何治岳之良吏也志之何章往以興來也以績言何治之實而功之著也夫古今岳牧而稱良者衆矣而志何寥寥然書其尤焉爾矣蓋匪績弗書匪著弗信匪

績匪著而稱良焉郡乘有之茲故可略也書一以勸萬也夫章往以興來史之法也書一以勸萬法之要也夫郡志者古列國之史也而岳有志焉史之變也又烏可
以例觀之哉

漢

陳俊南陽曲鄂人建武中泰山太守行大將軍事張步連結泰山群盜與俊戰於贏俊大破之追至濟南克復諸縣一郡始平定後遷瑯琊太守齊地素聞俊名入境盜皆解散

李固漢中南鄭人順帝永和六年荊州刺史先是荊州盜起彌年特以固治荆固到荆遣吏勞問境內赦寇盜前釁與之更始於是賊衆自縛歸首固遣還相招半歲間餘黨悉降奏南陽太守高賜等賊穢賜等重賂梁冀冀千里移檄而固持之愈急冀遂徙固爲泰山太守時泰山盜賊屯聚數年郡兵千人莫能誅討固到罷兵歸農但選留任戰者百餘人以恩信招綏之未踰年賊皆彌散

皇甫規桓帝時泰山太守先是泰山賊叔孫無忌寇郡縣

中郎將宗資累征不克公車特徵拜規守泰山規到廣設方畧寇虜悉平

苑康泰山太守先是郡多豪猾康嚴教令人莫敢犯以事忤常侍侯覽誣罪徙日南泰山民詣闕訟其寃詔許還郡

韓韶潁川人靈帝時泰山賊公孫舉僞號數年守令莫能制及韶爲嬴長賊聞其賢相戒不入境流民入邑界者萬餘韶開倉賑之主者爭謂不可韶曰長活溝壑之人以此伏罪舍咲入地矣太守素知重之竟不以罪

京茂昌邑人泰山太守先是郡中多盜民多散亡茂到郡
旬月襁負而至者千餘家

呂虔在城人泰山太守時郭祖等依山爲寇虔到郡廣布
恩信招降群盜簡其驍健者補戰士郡由是有精兵濟
南黃巾賊徐和等攻掠城池虔引兵擊破之曹操使督
青州諸郡兵討東萊群寇功遷騎都尉去在任十餘年
大著威惠無復寇患

晉

賈堅雋康帝時泰山太守爲民立小學丁興教化叛將荀羨

寇郡雋逆戰死之

魏

申恬魏元嘉時泰山太守都督魯東平濟北三郡軍事威
惠並著吏民懷之

唐

常安石京兆萬年人任乾封尉累遷德州刺史政平而操
潔吏畏民懷

金

楊伯淵真定藁城人海陵時知泰安軍有惠政民刻石紀

思累遷山東東路轉運使正隆末群盜蜂起州郡往往
罹害獨濟南賴以生全

和安禮宣宗時知泰安軍貞祐初山東被兵或勸其遁去
安禮曰我去城誰與守豈可避難負國恩乎元兵至力
戰旬日城陷不屈而死

徒單繹世宗時泰安刺史以廉績著

董積躬青城人爲奉符令政平訟簡有古循吏風

元

趙玉燕人也至元間爲奉符令有善政既去民勒石頌思

國朝

陳文佑潮潭人洪武初泰安同知擢知山川公勤廉慎擢守

湖州

熊以淵靖安縣人初任蕭山丞應求賢擢判杭州秩滿擢

守泰安廉靜寬平民懷撫字

李銳陝西蘭縣人登進士由刑部主事以調判充擢守泰安

廉勤懋著未幾內艱去吏民思之

陳以忠宛平縣人由進士守泰安爲政廉平有實德及民

歷七載擢戶部郎中累官布政使

高鈇華亭人任泰安同知廉靜愛民卒無以爲棺州民悲
慟聞於臺省遣官護其觀歸

高嶼北京錦衣衛人登弘治壬戌進士以監察御史調新
鄉令正德辛未擢守泰安剛明沉毅抑豪橫招流亡視
民如子時劇盜劉六劉七楊虎齊彥明等各有衆數千
人橫行中原所過州縣殘破者十六七先是三月一日
賊破泰安城縱火荼毒州長貳以罪去四月嶼蒞政於
殘破之餘簡士卒設守禦土城舊頽圯倉卒修繕莫能
堅完五月四日賊奄至城下移時去七月二日賊擁衆

攻城嶼督兵臨禦有賊賊號破城王率衆登城我兵少
却嶼怒罵曰平時查爾輩何爲予先死職事爾輩能獨
生乎引刀自剄衆皆持曰願爲公効死力鄧鳳等奮激
賈勇殺破城王餘醜怖懼而退乘勝擊走之八月賊至
斬汶河嶼發兵擊之追及王兒在斬七賊首十二月賊
復至城下知嶼有備遂去不復來矣嶼當大寇攻圍躬
擐甲胄坐愆危急之時救決機宜籌畫若素定無疾言
遽色後逾年擢都水郎中民鑄石頌功德彙擢濟南守
終山東按察副使子進登進士累官山西按察副使

戴經嘉與人舉鄉試正德戊寅中奉使攜妻孥應四仁
愛政公平無私恩重惜民財時

武廟將南巡其伴或謂宜敏民以備經曰寧以身殉職弗
爲也性耿介不能阿順當路或多見忤致中傷論劾當
送部左遷遂棄官歸其之官時攜一篋歸裝如之未嘗
有所如先是省祭張達有捕盜功經取帑縑爲賞去之
日以俸金補縑達聞之持縑固辭帑人亦爭代補經皆
不聽至今州人曰戴公一私不行一錢不取蓋確論也
許應元錢塘人登嘉靖壬辰進士知泰安州以文章飾吏

事治先禮教有古良由之風先是泰安文士不振落莫四
秋榜元至思有以風之乃修拓泰山書院崇重先賢簡
拔諸才彥延名師教之時復親爲課藝磨濯丕變自後
連舉鄉試者皆出其門節用愛民訟無冤滯有豪右不
法致訟賂顯官請託不聽竟杖殺之市賈有無故覬白
金者怒麾而出其他伺顏色者皆屏息無復敢以覬進
踰二年以優績調泰州累遷廣西副使泰安人至今稱
廉惠不能忘

人物

詩曰嵩岳降神生甫及申尼丘鄒嶧壤接泰山寔生孔
孟萬世宗師而况泰安人才有弗鍾於岳靈者哉夫志
自漢魏而下氣節才猷道德經術班班可考乃若制科
獻士書之而無所擇焉雖古今品藻未易頡頏要亦彬
彬乎文獻之足徵矣至于虛儀內德經籍揚芬雖曰原
於風化而扶輿清淑無間剛柔故志以列女終焉

漢

王章字文卿泰山鉅平人家貧寄止人舍盜主人牛衣臥
主人見而咎之後就學京師以文學爲諫議大夫敢言

有聲累遷京兆尹草疏劾大將軍王鳳其妻止之曰汝
忘牛衣對泣時邪不從因遇害

羊陟字嗣祖泰山梁父人少有學行舉孝廉累遷冀州刺
史奏按貪濁所在肅然三遷尚書令時太尉張顯等與
宦豎相結姻私公行貨賂疏請罷黜薦前太尉劉寵司
隸校尉許冰幽州刺史楊熙涼州刺史劉恭益州刺史
龐艾清亮在公宜舉升進帝嘉之拜河南尹計日受俸
常食乾飯茹菜禁制豪右京師憚之會黨事起免官禁
錮卒於家

羊續字興祖泰山平陽人祖侵司隸校尉父儒爲太常續以功臣後累官南陽廬江二郡守討平黃巾諸寇其在南陽時丞獻生魚續受而懸之門以杜其後靈帝欲以續爲太尉時拜三公者皆輸東園禮錢三萬續乃坐使人舉緼袍示之曰臣之所有惟此而已左騶白之帝不悅故不登公位而徵爲太常未及行卒救泰山守賻其家

三國

鮑信泰山平陽人少有大節靈帝時拜騎都尉知董卓必

爲亂勸袁紹龍蓋紹畏卓不敢發時曹操起兵信乃與弟韜以兵應表信行破虜將軍汴水之敗信被創韜死於陣勸操規大河之南以待袁紹之變後表爲濟北相黃巾賊入州界操擊之被圍於壽張信殊死戰以救操得潰圍出信遂沒

鮑勛字叔業信之子魏文帝爲太子時郭夫人弟有罪勛爲魏郡都尉治之文帝爲請不從及卽位勛數直諫帝益忿之後以非辜下廷尉鍾繇等請之不許竟殺之勛廉而能施死之日家無餘資

高堂隆字升平泰山平陽人高堂生後泰山太守薛悌命
爲督郵郡督軍與悌爭論名悌而呵之隆按劍叱曰昔
魯定見侮仲尼歷階趙彈秦箏相如進缶臨臣名君義
之所討也督軍失色悌驚起止之後仕魏青龍中大治
殿舍及崇華殿災星字淫雨之變隆皆據引經典上疏
切諫帝曰觀隆奏使朕懼哉又請改正朔易服色殊徽
號異器械帝從之遷光祿勳及卒帝嘆曰天不欲成吾
業邪高堂生舍我亡也

臧霸字宣高泰山華人父飛爲縣獄掾私殺人太守怒令
收械詣府霸年十八將客數十人而奪之與父亡命東
海以勇壯聞黃巾起霸從陶謙擊破之拜騎都尉曹操
表霸爲瑯琊相操在兗州以徐翕毛暉爲將後叛投霸
操語劉元德欲霸送二人首霸曰霸所以能自立者以
爲此也願爲之辭操聞而義之後討黃巾戰孫權累立
功封良城侯卒謚威

孫觀字仲臺泰山人與臧霸俱起討黃巾曹操破呂布使
霸招觀兄弟厚遇之征定青徐群盜功次於霸封都亭
侯兄康亦以功封列侯觀與操會南皮拜青州刺史從

征孫權於濡須口為流矢所中力戰不顧操勞之曰將軍被創深重而猛氣益奮果不當為國愛身乎轉振威軍創甚卒子毓嗣累官青州刺史

羊琇字稚舒景獻皇后之從父弟也父耽官至太常兄尚書右僕射琇少舉郡計參鎮西鍾會軍事從平蜀及會謀反琇正言極諫還錫爵關內侯琇涉學有智笑少與武帝親狎每接延同席嘗謂帝曰若富貴見用任領護各十年帝戲而許之初帝未為太子而聲論不及弟依文帝素惡之琇密為武帝畫策甚有匡救又觀察文帝

為政損益應所顧問之事皆令武帝默識之及文帝與武帝論當世之務人才可否武帝答無不當由是儲位遂定及帝為撫軍命琇參軍事帝即位後擢琇為左衛將軍封其露亭侯累遷中護軍加散騎常侍琇典禁兵豫機密寵遇甚厚初杜預拜鎮南將軍朝士畢賀皆連榻而坐琇與裴楷後至曰杜元凱乃復以連榻而坐客耶遂不坐而去卒贈輔國大將軍開府儀同三司謚曰威

羊祜字叔子續之孫五歲時令乳母於鄰家園桑樹下探取金鏤李氏驚曰此吾亡兒所失乃知其前身爲李氏子晉武帝時爲尚書右僕射都督荊州諸軍事出鎮南郡開設庠序綏懷遠近甚得江漢之心與吳人開布大信降者欲去聽之戒戍邏之卒以懇田八百餘頃直始至也軍無百日之糧及去季年乃有十年之積祜在軍輕裘緩帶身不被甲鈴閣之下侍衛才十數人石城以西盡爲晉有修德信以懷之慨然有吞吳之志每與吳人交兵剋日方戰不爲掩襲計將帥有欲進譎詐之策者

輒飲以醇酒使不得言吳將鄧香掠夏口祜募勇士生縛香既至宥之香感其恩率部曲而降祜出單騎行吳境刈穀爲糧皆計所侵送絹償之每會衆江沔遊獵常止晉境若禽獸先爲吳人所傷而後爲晉兵所得者皆封還之於是吳人翕然悅服稱羊公而不名祜與陸抗對壘使命交通抗稱祜之德量雖樂毅諸葛孔明不能過抗嘗病祜饋之藥抗服之幕士多諫抗曰豈有醜人羊叔子哉抗每告其戍曰彼專爲誼我專爲暴是不戰而自屈也各保分界而已無求細利孫皓聞二境交和

以詰抗抗曰一郡一邑不可以不信義况大國乎臣不如此是枯專其德也枯寢疾求入朝面陳伐吳之策晉主遣張華就問舉杜預自代及卒晉主素服哭之吳人聞之罷市哭嘗遊襄陽峴山襄人之廟建碑於上望其碑者無不流涕因名曰墮淚碑贈侍中大傅征南大將軍南城侯謚曰成今徂徠之陽有地曰羊枯城其故居也

胡毋輔之字彥國泰山奉高人高祖班漢執金吾父原諫冒兵馬山濤稱其才堪邊任舉爲大尉長史終河南令

輔之少擅高名有知人之鑒性嗜酒任縱不拘小節與王澄王敦庾凱俱爲大尉王衍所耽號曰四友澄嘗與人書曰彥國吐佳言如鋸木屑罪罪不絕誠爲後進領袖辟別駕太尉掾並不就後以家貧求試繁昌令始節酒自勵有聲遷尚書郎掾討齊王罔賜爵陰平男累轉司徒左長史復求外出爲建武將軍樂安太守避亂渡江元帝以爲安東將軍諮議祭酒遷揚武將軍終湘州刺史

羊曼字祖延大傅枯兄也父暨陽平太守曼少知名州禮

辟皆不就避難渡江元帝以爲鎮東參軍轉丞相主簿
委以機密歷黃門侍郎尚書吏部郎晉陵太守以公事
免曼任達縱溫嶠庾亮阮放桓彝同志友善並爲中興
名士時州里稱陳留阮放爲宏伯高平郝鑑爲方伯泰
山胡毋輔之爲達伯濟陰下壺爲裁伯陳留蔡謨爲朗
伯阮孚爲誕伯劉綏爲委伯而曼爲黠伯凡八人號充
州八伯擬古之八俊知王敦不臣終日散髮裸體閉戶
酣醉故得不與其難蘇峻作亂加前將軍率文武中
中龍門王師不振或勸曼避峻曼曰朝廷破敗吾且安所
贈太常

求生勸衆不動遂遇害峻平追

羊鑿字景明泰山人父濟何奴中郎將兄熒歷太僕充徐
二州刺史鑿爲東平太守累遷太子左衛率後討蘇峻
以功封豐縣侯徙光祿勳卒

劉寔泰山人博通古今清修潔已爲吏部郎參相國軍事
終太尉弟智少貧寔自給讀誦不輟以儒行稱

羊欣字敬元泰山南城人曾祖耽晉徐州刺史祖權黃
郎父不疑桂陽太守欣少靖默博覽經籍善書不疑令
烏程時欣年十二王獻之爲吳興太守甚愛之獻之嘗

夏月入縣欣著新絹裙晝寢獻之書裙數幅而去欣書
由是益工起家輔國參軍隆安中朝廷漸亂欣優游不
復仕進會稽王世子元顯每使欣書扇辭不奉命元顯
怒擠之恬不爲意

羊烈字信卿泰山鉅平人琇之八世孫也魏梁州刺史祉
之弟烈少通敏好讀書以理學名天統中除大中大夫
兼光祿少卿終驃騎將軍義州刺史

南北朝

羊玄保泰山南城人祖楷晉尚書都官郎父綏中書侍郎

玄保在宋武帝爲鎮軍參軍司徒王弘知重之頃之入
爲黃門侍郎善奕碁文帝亦好奕與賭郡玄保戲勝補
宣城太守歷丹陽會稽吳郡太守文帝以玄保廉素寡
欲故頻授名郡爲政雖無殊績而去後必常見思文帝
嘗曰每有好官缺我未嘗不生心憶羊玄保孝武即位爲
金紫光祿大夫以謹嚴見知大明五年加散騎常侍特
進玄保自少至老謹祠祭四時珍新未得祠薦者不敢
先嘗卒謚曰定兄子希尚書左丞嘗疏請寬山湖之禁
後討劉思道遇害

羊侃字祖忻泰山梁父人漢南陽太守續之裔也祖規之
宋武帝之臨徐州辟祭酒從事會薛安都舉彭城降北
規之陷魏魏授衛將軍營州刺史父祉魏侍中金紫光
祿大夫侃少而瑰偉身長八尺雅愛文史博涉書記尤
好左氏春秋孫吳兵法弱冠隨父在梁州立戰功中補
別將尋以平羗功遣使持節征東大將軍領泰山太守
進爵鉅平侯因父祉有南歸之志奔還梁大統三年至
建業授徐州刺史并其兄默三弟忱絡元皆拜刺史侃
封高昌縣侯六年出爲雲麾將軍普安太守郡內肅清

頃之徵太子左衛率大同三年車駕幸樂遊苑侃預宴
時少府奏新造兩刃稍成長二丈四尺圍尺三寸高祖
因賜侃馬令試之侃執稍上馬左右擊刺特盡其妙高
祖嘉之製武宴詩三十韻以賜侃侃即席應詔高祖覽
曰吾聞仁者有勇今見勇者有文可謂鄒魯遺風英賢
不絕六年遷司徒左長史八年遷都官尚書九年出爲
衡州刺史太清元年徵爲侍中二年復爲都官尚書以
禦侯景功加侍中軍師將軍詔送金五千兩銀萬兩絹
萬疋以賞戰士侃辭不受部曲千餘人並私加賞資初

徭長子鷲爲景所獲執來城下徭曰我傾宗報主猶恨不足豈復計此一子幸汝早殺之數日復持來徭謂鷲曰久以汝爲死猶復在邪吾以身許國誓死行陣終不以爾死生進退因引弓射之賊感其忠義亦不之害景遣博士哲平謂徭曰侯王遠來問訊天子何謂閉拒不時進納尚書國家大臣宜啓朝廷徭曰侯將軍奔王之後歸命國家豈鎮方城懸相任寄何所患苦忽致稱兵今驅烏合之卒至王城之下豈有人臣而至於此吾荷國重思當稟承廟笑以掃大逆耳不能妄受浮說幸謝

將軍卓自爲所上哲又曰侯王事君盡節不爲朝廷所知正欲面啓至尊以除奸佞旣居戎旅故帶甲來朝何爲作逆徭曰主上臨四海將五十年聰明睿哲無幽不照有何奸佞而得在朝欲飭其非寧無詭說且將軍親舉白刃以向城關事君盡節乃若是邪平無以應乃曰在北之日久挹風猷每恨平生未獲披叙願去戎服得以相見徭爲之免胄平瞻望久之而去其爲北人所欽慕如此後大雨城崩賊乘之突入徭今多擲火爲火城以斷其路徐於內築城賊不能進十二月疾卒詔給東

園秘器布絹各五百疋錢三百萬贈侍中護軍將軍
羊鴉仁字孝穆泰山鉅平人少果勇有膽力自魏歸梁封
廣晉縣侯征伐青齊間累遷都督司淮冀殷應西豫等
七州諸軍事鎮懸瓠侯景反攻臺城鴉仁率所部入援
爲景所獲以爲五兵尚書鴉仁常思奮發謂所親曰吾
受寵朝廷今社稷傾危身不能死以至於此死有餘憤
因泣下後竟出奔將赴江陵遇害史臣曰羊侃鴉仁值
太清之難並竭忠奉國俱臨危不撓鴉仁守義殞命可
謂志等松筠心均鐵石古之殉節斯其謂乎

